

# Sámegiela oahpahus

## 1. Vuoigatvuohta sámegiela oahpahussii sámegillii ja sámegielas

### Sámegiela oahpahus vuodđoskuvllas

#### Sámi guovllut

Vuodđoskuvlla oahppit sámi guovlluin galget oažžut oahpahusa sámegiela ja sámegillii, gč. oahpahuslága § 6-2 vuosttaš lađas. Sámi guovlluid oahppit ožžot oahpahusa Sámi máhttoloktema oahppoplána mielde. Maiddáai oahppit olggobealde sámi guovlluid geavahit dan seammá oahppoplána go sis lea sámegiela oahpahus, gč. lánkaásahus oahpahusláhkii § 1-1 bustávva b).

Sápmelaš lea olmmoš gii sáhtta čálihit iežas sámi jienastuslohkui, ja sin mánát geat sáhttet čálihuvvot dohko, gč. sámelága § 2-6 ja oahpahuslága § 6-1. Sámegiella lea oahpahuslága 6. kapihttalis čilgejuvvon ahte lea davvisámegiella, lullisámegiella ja julevsámegiella, gč. oahpahuslága § 6-1. Oahppi vállje ieš guđe sámegiela háliida oahpahusa. Oahppi oažžu válljet sámegiela vuosttašgiellan dahje nubbingiellan.

Sámi guovllut leat earret eará suohkanat mat gullet sámegiela hálddašanguvlui, gč. oahpahuslága § 6-1 ja sámelága § 3-1. Čuovvovaš suohkanat leat sámi guovllut: Kárášjohka, Guovdageaidnu, Unjárga, Porsángu, Deatnu, Gáivuotna, Divttasvuotna, Loabát, Snoasa ja Raavrevijhke.

Sámi guovlluid suohkanat sáhttet lánkaásahusas mearridit ahte buot vuodđoskuvllain addojuvvo oahpahus sámegiela, gč. oahpahuslága § 6-2 njealját lađas. Mearrádus ii atte suohkanii vejolašvuoda bágget oahpahusa vuosttašgielas dahje nuppielas. Mearrádus gusto maiddáai sámi ohppiide.

#### Olggobealde sámi guovlluid

Olggobealde sámi guovlluid lea sápmelaččain riekti oahpahussii sámegiela, gč. oahpahuslága § 6-2 goalmát lađas. Dat mearkkaša ahte sámi ohppiin lea riekti oahpahussii sámegiela beroškeahtta gos sii oroža riikkas.

Go leat unnimusat logi oahppi suohkanis olggobealde sámi guovlluid geat dáhttot oahpahusa sámegiela ja sámegillii, de suohkan lea geatnegahtton addit sámegiela oahpahusa, gč. oahpahuslága § 6-2 nubbi lađas. Njuolggadus gusto go leat oktiibuot logi oahppi iešguđet luohkkádásis miehtá suohkana. Suohkan oažžu mearridit čohkkejit go sii dán fáldalaga ovttá skuvllii suohkanis, gč. oahpahuslága § 6-2 goalmát lađas. Go ásaht oahpahusa dán njuolggadusa vuodul, de galgá fáldalat addojuvvot nu guhká go leat unnimusat guhtta oahppi olles suohkanis, gč. oahpahuslága § 6-2 nubbi lađas.

Oahppit olggobealde sámi guovlluid geain lea oahpahus sámegiela vuosttašgiellan dahje nubbingiellan, sáhttet luvvejuvvot eará fágaid oahpahusas oktiibuot gitta 76 diimmu 1.-7. luohkain. Go oahppi luvvejuvvo eará fágaid oahpahusas, de gáibiduvvo ahte oahppoplána mihtuin eai vealtta, ja juohke oahppi dahje váhnenovddasteaddji galgá addit mieđáhusa dasa.

#### Sámi joatkkaskuvlla oahpahus

Sámi oahppit joatkkaskuvllain leat vuoigadis oažžut oahpahusa sámegiela, gč. oahpahuslága § 6-3. Dát vuoigatvuohta gusto vaikko oahppis ii leat leamaš oahpahus sámegiela vuodđoskuvllas. Oahppi oažžu ieš válljet guđe sámegiela dáhttu oahpahusa – davvisámegiela, julevsámegiela vai

lullisámegiela. Joatkkaskuvlla oahppit geat ožžot oahpahusa sámegiela vuosttašgiellan dahje nubbingiellan, eai leat geatnegahtton čuovvut amasgiela oahpahusa, gč. lánkaásahusa oahpahusláhkii § 1-10 nubbi lađas. Oahppit geat ožžot oahpahusa sámegiela vuosttašgiellan dahje nubbingiellan, eai dárbbas váldit oahpahusa čálalaš dárogiela nuppi suopmanis, gč. lánkaásahusa oahpahusláhkii § 1-11 vuosttaš lađas bustávva a. Skuvlaeaiggát sáhtá fállat sámegiela amasgiellan jus dan háliidit. Oahppi geas ii leat leamaš oahpahus dárogiela nuppi suopmanis, sáhtá luvvejuvot árvosátneárvvoštallamis čálalaš dárogiela nuppi suopmanis joatkkaskuvlla dásis. Dat ii leat doarvái ahte oahppi lea vuogadis oažžut sámegiel oahpahusa ja dan lánká luvvejuvot oahpahusas dárogiela nuppi suopmanis. Vuogatuoha ferte leat geavahuvvon nuoraidskuvlla dásis, jus oahppi galgá luvvejuvot árvosátneárvvoštallamis dárogiela nuppi suopmanis joatkkaskuvlla dásis. Dat mearkaša ahte oahppi gii vállje sámegiela amasgiellan, ii luvvejuvvo čálalaš dárogiela nuppi suopmana oahpahusas. Oahppi oažžu luvvejuvot duššefal árvosátneárvvoštallamis čálalaš dárogiela nuppi suopmanis, ja son galgá čuovvut oahpahusa ja vuostáiváldit árvvoštallama almmá árvosáni haga čálalaš dárogiela nuppi suopmanis.

## Skuvlaeaiggáda geatnegasvuodát

Suohkan/fylkkasuohkan lea geatnegahtton čuovvut ahte oahpahuslága gáibádusat ja dan lánkaásahusat ollašuvvet, gč. oahpahuslága § 13-10. Dat mearkaša ahte skuvlaeaiggádis lea alimus ovddasvástádus gozihit ahte ollašuvvá ohppiid vuogatuoha oažžut oahpahusa sámegiela. Skuvlaeaiggádat leat geatnegahtton fállat oahpahusa sámegiela, ja vaikko sámegillii, sámi ohppiide. Skuvlaeaiggát sáhtá sámegiela fállat amasgiellan jus dan dáhttot. Skuvlaeaiggát lea geatnegahtton addit dieđuid ja rávvat ohppiid ja váhnemiid geat ohcalit dieđuid vuogatuodain ja geatnegasvuodain sámegiela oahpahusa hárrái, dahje vaikko sámegillii, gč. hálddašanlága § 11.

## Amasgiella

Oahppit geain lea sámegiella vuosttašgiellan dahje nubbingiellan, eai leat geatnegahtton lohkat amasgiela dahje gielalaš čiekŋudeami, muhto sii leat vuogadis válljet dán oahpahusa jus háliidit, gč. lánkaásahusa oahpahusláhkii § 1-9 vuosttaš lađas. Oahppit geat eai leat geatnegahtton lohkat amasgiela oahpahusa dahje gielalaš čiekŋudeami, galget oažžut nannejuvvon oahpahusa omd. sámegiela, gč. lánkaásahusa oahpahusláhkii § 1-9 goalmát lađas a.

## Oahpponeavvut

Suohkan/ fylkkasuohkan lea geatnegahtton čuovvut ahte oahpahusláhka ja dan lánkaásahusa gáibádusat ollašuvvet, ja ahte várrejit doarvái dárbbaslaš resurssaid gáibádusaid ollašuhttimii, gč. oahpahuslága § 13-10. Skuvlaeaiggát galgá fuolahit ahte skuvllat ožžot dárbbaslaš oahpponeavvuid geavahepmái nu ahte bastet deavdit fága gelbbolašvuodagáibádusaid, muhto suohkan ii leat geatnegahtton ráhkadit ođđa oahpponeavvuid.

## Vuodđoskuvlaoahpahus ollesolbmuide

Ollesolbmui lea vuogatuoha oažžut oahpahusa sámegiela ja sámegillii § 4A-1 vuodul. Kapihtal 4A njuolggadusat čilgejit vuđolaččat oahpahusa mii gullá erenoamážit ollesolbmui. Oahpahuslága kapihtal 6 sámegiela oahpahusa vuogatuoda birra ii leat vásedin ollesolbmuide. Dábálaččat berre lánčit oahpahusa gáibádusa *sámegiela* sámi olbmui gii muđui dárbbasla vuodđoskuvlaoahpahusa (ja gii ii leat vuogadis joatkkaskuvla oahpahussii, gč. eavttuid § 4A-1). Vuodđoskuvlaoahpahus sámegillii ollesolbmuide § 4A-1 vuodul galgá árvvoštallojuvot konkretalaččat juohke áidna dilálašvuodas. Árvvoštallan lea dat ahte leago ovttaskas ollesolbmui dárbbaslaš ahte addojuvvo oahpahus sámegiela vai oahpahus šaddá dohkálaš.

## Joatkkaskuvlaoahpahus ollesolbmuide

Sámi ollesolbmot geat ožžot oahpahusa kapihtal 4A vuodul leat vuoigadis oažžut oahpahusa *sámegillii*.

## Priváhtaskuvllat

Priváhtaskuvllain eai leat mearrádusat mat addet ohppiide vuoigatvuodá oažžut oahpahusa sámegielas ja sámegillii. Skuvlaeaiggát sáhtá eaktodáhtus fállat oahpahusa sámegielas ja sámegillii.

## Gáiddusoahpahus sámegielas

Oahppit geat leat vuoigadis oažžut oahpahusa sámegielas leat vuoigadis oažžut molssaevttolaš oahpahusvuogi dallego skuvllas eai leat sajis heivvolaš oahpaheaddjit, gč. Oahpahuslága § 6-2 viđat lađas ja lánkaásahusa oahpahusláhkii § 7-1. Go skuvlaeaiggádis váilu sámegiela oahpaheaddji, de berre skuvla fállat ohppiide oahpahusa sámegielas molssaevttolaš oahpahanvugiiguin. Molssaevttolaš oahpahanvuogit leat gáiddusoahpahus, intensiivoahpahus dahje sierra leairaskuvlaoahpahus, gč. Lánkaásahusa oahpahusláhkii § 7-1 vuosttaš lađas. Váhnemat galget beassat leat fárus hutkat molssaevttolaš oahpahusvuogi ohppiide vuodđoskuvllas, gč. lánkaásahusa oahpahusláhkii § 7-1 nubbi lađas.

Mánja fylkkamánni dieđihit ahte oahppit geat dáhttot gáiddusoahpahusa sámegielas leat lassánan. Dat lea positiiva. Dál lea dehálaš oaččuhit ovttárvosaš vuogádaga gáiddusoahpahussii mii fuolaha buot ohppiide geat leat vuoigadis dán oahpahussii.

Finnmárkku fylkkamánnis lea ovddasvástádus koordineret gáiddusoahpahusa davvisámegielas ja Nordlándda fylkkamánnis lea lullisámegiela ja julevsámegiela gáiddusoahpahusa koordinerenbargu.

Gáiddusoahpahus fálojuvvo vuodđoskuvlla dásis 1. ceahkis - 10. ceahkkái ja joatkkaskuvlla oahpahasas.

Oahpahusdirektoráhtta lea kárten fálddagaid mat leat. Loga bohtosiid dás: [Les kartleggingen om samisk fjernundervisning her.](#)<sup>1</sup>

Dálá gáiddusoahpahusa fálddagas oaidnit stuora erohusaid sihke sisdoalus ja organiseremis. Dáid áiggiid leat plánemin sámegiela gáiddusoahpahusa. Sámi gáiddusoahpahusa strategalaš plána maid Oahpahusdirektoráhtta ovddasta, čilge mo sáhtá dustet hástalusaid, ovttastahttit fálddaga ja addit ohppiide ovttárvosaš oahpahusa.

## 2. Sámi máhttolokten

Sámi máhttolokten sisttisdoallá oppalaš oasi mii lea seammágo dáru Máhttoloktema oppalaš oassi. Oahpahusa prinsihpat – sámi; sisttisdoallá maid oahppoplakáhta ja oahppoplánaid fágaide.

### Oahppoplánat sierra sámi fágaide

Oahppoplánat sámeielas vuosttašgiellan ja nubbingiellan ja čieknudeapmi sámeielas leat dávvisámegillii, julevsámegillii ja lullisámegillii. Dat leat sierra sámi fágat. Vuodđoskuvllas eai leat eará sierra sámi fágat. Muhto joatkkaskuvlla oahpahusas leat fágaplánat čuovvovaš fágain: boazodoallu, design ja duodji, sámi historjá ja servodat, sámi visuála kultuvra ja sámi musihkka ja lávdi.

### Buohtalas ovttárvosaš plánat

Sámi máhttolokten (LK06s) lea nana huksen dasa ahte sámi mánáid vuoigatvuođat ollašuvvet. Leat ásahuvvon ovttárvosaš ja buohtalas oahppoplánat dárogielas ohppiide geain sámeigiella lea vuosttašgiellan, servodatfága- sámi, luonddufága -sámi, biebmu ja dearvvašvuohta -sámi, religiovdna (oskkoldat), eallinoaidnu ja etihkka (RLE) –sámi, duodji ja musihkka –sámi. Joatkkaskuvlla oahpahusas leat oahppoplánat čuovvovaš fágaide: historjá –sámi, geografijja –sámi, religiovdna ja etihkka –sámi. Sámediggi evttoha ovttasráđiid departemeanttain lánkaásahusaid buohtalas ovttárvosaš oahppoplánaid hárrái.

### Dábálaš oahppoplánat

Sámi guovlluid skuvllat geavahit vuodđoskuvlla dábálaš oahppoplánaid matemáhtikas, engelasgielas, lášmmohallamis ja amasgielain. Sámi joatkkaskuvllat geavahit dábálaš oahppoplánaid eará fágain go dain maid leat ovdalis namuhan. Buot oahpahus galgá almmatge geavahit sámeigiela, sámi kultuvrra ja servodaga vuodđun, gč. Sámi oahppoplakáhta.

Sámi guovlluid vuodđoskuvllat geavahit Sámi máhttoloktema ja maid olggobealde sámi guovlluid geavahuvvo dat ohppiide geain lea sámeigiel oahpahus, gč. lánkaásahusa oahpahusláhkii § 1-1 b). Lassin dasa lea juolludanreive geatnegahtán dán guokte sámi joatkkaskuvlla addit oahpahusa Sámi máhttoloktema vuodul.

Ođastuvvon oahppoplánat leat geavahusas skuvlajagi 2013/2014 rájes. Skuvllaeaiggát fuolaha ahte skuvllat ráhkadit báikkálaš oahppoplánaid mat čuvvot Máhttoloktema áigumušaid.

### Fága- ja diibmojuohku

Máhttolokten lea čuovuhan ođđa fága- ja diibmojuogu ohppiide geain lea oahpahus sámeigillii ja sámeigielas. Dál leat ođđa fága- ja diibmojuogut vuodđoskuvlla ohppiide geain lea sámeigiel oahpahus siskkobealde ja olggobealde sámeigiela hálddašanguovlluid, ja dát lea fámus skuvlajagis 2013/2014. Buot ohppiin lea oktasaš riekti fága- ja diibmojuoguide, sihke ohppiin geain lea sámeigiel oahpahus gáiddusoahpahussan dahje ožžot sámeigiel oahpahusa dan skuvllas gos sii leat beaivválaččat.

### Árvvoštallan

Ohppiid árvvoštallannjuolggadusaid gávnnat oahpahuslága lánkaásahusas, kapihtal 3 (vuodđoskuvlla ja joatkkaskuvlla oahppit) ja kapihtal 4 (vuodđooahpahus ollesolbmuide). Lánkaásahus čilge vuoigatvuođaid mat ohppiin leat árvvoštallamis; vuoigatvuohta oazžut árvvoštallama gaskkohagaid ja loahpalaččat, árvvoštallama vuodđu, árvvoštallamis luvvejuvot, eksámen ja dokumentašuvdna, ja sierra lánkaásahusat fága-/sveainnasreivegeahččalemiide ja gelbbolašvuodageahččalemiide. Oahppit geain sámeigiella lea vuosttašgiellan dahje nubbingiellan, eai dárbbas váldit oahpahusa dárogiela nuppi suopmana čállingielas, gč. lánkaásahusa oahpahusláhkii § 1-11 vuosttaš lađas.

### 3. Oahpponeavvut

Sámedikki ovddasvástádus lea háhkat sámi oahpponeavvuid.

Sámedikki ovddasvástádus lea plánain ja jahkebušeahtain čilget mihtuid, strategijaid ja doaibmajuid mat váikkuhit oahpponeavvuid ovdaneapmái.

Sámedikki ovddasvástádus lea juohkit ruđaid ja čuovvolit ja dárkkistit váikkuhangaskaomiid geavaheami lágaid ja njuolggadusaid vuođul.

Sámedikki strategalaš oahpponeavvoplána ovddideapmi 2009 – 2012 lea vuođđun oahpponeavvobargguide. [Lenke til Sametingets side om læremidler<sup>2</sup>](#)

Neahttsiidu [nettstedet Ovtta<sup>3</sup>](#) almmuhuvvui jagis 2011 ja das gávnnat oahpponeavvuid. Olbmot leat bures liikon neahttsiidui.

## 4. Dutkan Sámi máhttolokten

Sámi máhttolokten laktása dutkamii. Válđoáššiid čoahkkáigeassu:

Dutkit leat gávdnan unnán erohusaid oahpahusas ovdal ja maŋŋil Sámi máhttoloktema ásaheami. Dutkit cuigejit ahte skuvllain leat menddo heajos rámmat dasa ahte addit ovttárvosaš oahpahusa sámi ohppiide.

Geográfalaš erohusaid vuođul leat iešguđetlágan eavttut. Sámi váldoguovlluid oahppit ožžot buoret doarjaga birrasis olggobealde skuvlla sámi giela ja kultuvrra dáfus go oahppit geat orrot olggobealde. Sámi váldoguovlluid ohppiin leage dasto buoret eaktu oažžut ovttárvosaš oahpahusa. Finnmárkku álbmogis lea buoret máhttu sámi ohppiid vuoigatvuođain go riikkas muđui. Sámi máhttoloktema fágaid oahppoplánat maŋŋanedje ja šattai hástalus skuvllaide oažžut plánaid sadjái. Hui maŋŋit álggahuvvui oahpaheapmi sámi oahppoplánabarggus, ja dutkkit cuigejit ahte sámi ohppiide leat váilevaš oahpponeavvut ja resurssat.

Ollu skuvllat eai gávnna doarvái oahpaheddjiid geain lea pedagogalaš, fágalaš ja sámegeielat gelbbolašvuohta.

## 5. Oahppit geain lea sámegiella vuoddoahpahusas

### Sámegiella vuoddoskuvllas

2 125 oahppi válde sámegiela skuvlajagis 2012/13. Dat lea veahá unnit go jagi ovdal. Davvisámegiela ohppiidlohku manná maŋás, ja lullisámegiela ja julevsámegiela ohppiidlohku lassánii go buohtastahtá ovddit skuvlajagiin. Oppalaččat 90 proseantta ohppiin geat válljejit sámegiela, válljejit davvisámegiela. Vihtta maŋemus skuvlajagi lea unnon vuoddoskuvlla ohppiidlohku geain lea sámegiella. Vuoddoskuvlla ohppiidlohku geat válljejit sámegiela lea njiedjan 0,41 proseanttas 2008/09 rájes gitta 0,35 rádjái 2012/13.

Vuoddoskuvlla logut leat GSI logut.

**Tabella 1. Vuoddoskuvlla ohppiidlohku ja -oassi geain lea sámegiella**

Jahki	2008/09	09/10	10/11	11/12	12/13
Ohppiidlohku geain sámegiella	2517	2336	2260	2153	2126
Ohppiidlohku geain sámegiella	0,41	0,38	0,37	0,35	0,35
Davvisámegiella	2339	2158	2073	1987	1933
Lullisámegiella	101	97	90	94	95
Julevsámegiella	77	81	97	72	98


Figuvra 1. Vuoddoskuvlla ohppiidlohku geain lea sámegiella dain iešguđet sámegiela.



44 proseanta ohppiin válljejedje sámegiela vuosttašgiellan 2012/13. Ledje sullii seammá ollu geat válde sámegiela nubbingiellan ja goalmátgiellan.

<b>Tabealla 2. Vuodđoskuvlla ohppiidlohku geain sámegiella vuosttaš- ja nubbingiellan.</b>					
<b>Jahki</b>	<b>2008/09</b>	<b>09/10</b>	<b>10/11</b>	<b>11/12</b>	<b>12/13</b>
Okiibuot	2517	2336	2260	2153	2126
Vuosttaš giella	1043	1010	975	940	930
Nubbingiella					
Sámegiella 2	677	628	645	598	567
Nubbingiellan					
Sámegiella 3	797	698	640	615	629

Figuvra 2. Ohppiidlohku geain sámegiella vuodđoskuvllas vuosttaš- ja nubbingiellan. 2012/13.



Nuoraidskuvllas eai váldde nu olu oahppit sámegiela go mánáidskuvllas. Ohppiidlohku geain lea sámegiella lea čađat vuollelis nuoraidskuvlladásis go mánáidskuvlladásis.

**Tabealla 3. Vuodđoskuvlla ohppiidlohku ja oassi geain lea sámegiella ceahki vuodul.2012/13.**

<b>Ceahkki</b>	<b>Sámegiel ohppiidlohku</b>	<b>Vuodđoskuvlla ohppiidlohku</b>	<b>Ohppiidlohku geain lea sámegiella</b>
Ceahkki 1	232	61946	0,4
Ceahkki 2	233	60373	0,4
Ceahkki 3	240	60569	0,4
Ceahkki 4	196	60044	0,3
Ceahkki 5	226	58943	0,4
Ceahkki 6	211	60262	0,4
Ceahkki 7	237	62856	0,4
Ceahkki 8	194	63044	0,3
Ceahkki 9	178	62522	0,3
Ceahkki 10	179	64280	0,3
Summa 1.-10. jahkeceahkki	2126	614839	0,3

### **Sámegiella joatkkaskuvllas**

Joatkkaskuvlla ohppiidlohku geat váldet sámegiela lea lassánan dássidit juohke skuvlajagis Máhttoloktema (čakčat 2007) rájes gitta 2011/12 rádjái. Skuvlajagis 2012/13 lea vuosttaš geardi



máŋgga jagis go njejai ohppiidlohku geat váldet sámegiela joatkkaskuvllas. Maiddái mannan skuvlajagis niejai ohppiidlohku geat válljejedje sámegiela. Joatkkaskuvlla ohppiidlohku geat váldet sámegiela lea 0,2 proseantta skuvlajagis 2012/13. Joatkkaskuvllas eai leat nu olu oahppit geat váldet sámegiela go vuodđoskuvlaoahpahasas.

Joatkkaskuvlla logut leat vižžon ohppiid fágaválljemis, pr 01.10 iešguhtet skuvlajagiin.


**Tabella 4. Joatkkaskuvlla ohppiid lohku ja oassi geain lea sámegiella**

Jahki	2008/09	09/10	10/11	11/12	12/13
Ohppiidlohku	341	369	433	473	416
Ohppiidlohku	0,19	0,21	0,24	0,26	0,22

**Tabella 5. Joatkkaskuvlla ohppiidlohku geain lea okta dan golmma sámegielas. 2012/13**

	2012/13
Oktiibuot	416
Davvisámegiella	386
Lullisámegiella	18
Julevsámegiella	12

Figuvra 3. Joatkkaskuvlla ohppiidlohku geain lea okta dan golmma sámegielas.



93 proseantta ohppiin joatkkaskuvllas lea davvisámegiella. Lullisámegiella ja julevsámegiella válljejit 3 ja 4 proseantta ohppiin.


Leat eanas oahppit geat váldet sámegiela vuosttašgiellan, 57 proseantta oktiibuot. Leat 43 proseantta ohppiin geat váldet sámegiela nubbingiellan.

Jagis 2012/13 njejai ohppiidlohku geat válde sámegiela joatkkaskuvllas. Ohppiidlohku njejai sihke sámegiela vuosttašgielas ja nubbingielas.

**Tabella 6. Joatkkaskuvlla ohppiidlohku geain lea sámegiella vuosttašgiellan ja nubbingiellan.**

Jahki	2008/09	09/10	10/11	11/12	12/13
Oktiibuot	341	369	433	473	416
Sámegiella vuosttašgiellan	189	215	248	267	236
Sámegiella nubbingiellan	152	154	185	206	180

Figuvra 4. Joatkkaskuvlla ohppiidlohku geain lea sámegiella vuosttašgiellan ja nubbingiellan. 2012/13.



**Tabella 7. Joatkkaskuvlla ohppiid lohku ja oassi geain lea sámegiella ceahki vuodul. 2012/13.**

	Vuosttašgiella	Nubbingiella	Oktiibuot vuosttaš- ja nubbingiella	Ohppiidlohku geain sámegiella
JK 1	88	74	162	0,22
JK 2	82	55	137	0,21
JK 3	66	51	117	0,25
Buot ceahkit	236	180	416	0,22

## Liŋkkaid čujuhusat dán dokumeanttas.

1. <http://www.udir.no/Tilstand/Forskning/Rapporter/Nordlandforskning/Samisk-fjernundervisning/>
2. <http://www.sametinget.no/Opplaering/Laeremidler>
3. <http://ovttas.no/>